

## Fiji Hindi - Agape Baaibal - God's Love Letter Scriptures

Yuhanna 15:9 Ham tumme weisaiyeñ pyaar karta hei jeise hamaar Pita ham se kare hei, hamaar prem meñ bañdha raho.

Aayzaaya 43:1,2 - Efisia 2:10 Parmeshwar ham log ke waaste plen banaais ki ham sab achchha kaam kari aur wahi rakam rahi jeise u hardam maañge ki ham rahi. Yahi kaaran u Krist ke bhejis ki hamme wahi banaay jon ham abhi hei.

Jeremaayah 1:5 - Galashia 1:15 Hamaar peida hoy se pahile, Parmeshwar hamme chun lees raha. U dayaal u raha aur tay kar lees raha

Yuhanna 15:16 Tum hamme nai chuna, lekin ham tumme chuna aur dunia meñ bheja ki jisse tum sab fal laao, eisan fal jon hardam rahe. Hamaar Pita tumme u sab dei jon tum hamaar naam se maañgega.

3 Yuhanna 1:2 pyaara dost, aur ham preya karta hei ki tumhaar waaste sab kuchh theek rahe. Hamme aasha hei ki tum aapan deñhi se otna majbuut hei jetna ham sochta hei ki tum aatma meñ hei.

Aayzaaya 43:4 - 1 Peeña 2:9,10 Lekin tum log Parmeshwar ke khaas chuna gay log meñ se hei. Tum log Raaja log ke paadri aur pawitr raaj ke ek jhund hei. Parmeshwar tum log ke añdhera se nikaar ke aapan sundar roshni meñ laais hei. Ab tum log u sab sundar sundar cheej ke baare meñ bataayga jon u tumhaar sañghe karis hei. Baaibal bole hei, 10 "Ek taaim tum kuchh nai raha. Ab tum sab Parmeshwar ke log hei. Ek taaim koi bhi tum pe daya nai karat raha. Ab Parmeshwar tumme daya se dekhe hei.

Jeremaayah 31:3 - Efisia 1:4 Dunia ke bane se pahile, Parmeshwar, Maseeh se hamme chune ke bolis ki ham uske pawitr aur pyaara jan ban ke rahi.

2 Timathi 1:9 Parmeshwar ham log ke aapan pawitr jan bane ke waaste bachaais aur chunis Ham log kuchh nai kara ki hamme i sab mile, lekin Parmeshwar i sab ke plen karis raha kaahe ke u dayaal u hei. Taaim ke suru hoy se pahile hee Parmeshwar plen karis raha ki Yeeshu Maseeh ham log ke daya dekhaai.

Yuhanna 3:16 Parmeshwar dunia ke log se etna pyaar karis ki aapan eklauta larķa ke dunia meñ bhejis, ki jon koi bhi uspe biswaas kari, u naas nai hoi lekin anant jeewan paai.

Hosea 11:8; Aayzaaya 49:15,16; & Aayzaaya 41:13,14  
Luuk 12:32 "E hamaar chhoṭa chela log ke jhund, ḍaro nai! Tumhaar  
Pita tumme raaj de maañge hei.  
Methiu 28:20 Aur ulog ke jon sab ham bataaya raha, u sab ke paalan  
kare ke sikhaao. Aur dekho, ham i janam ke ant tak hardam  
tumhaar sañghe rahega.  
Yuhanna 14:1 Yeeshu tab aapan sab chela log se bolis, "Dukhi nai ho  
aur ghabraao bhi nai. Parmeshwar pe bharosa rakkho aur ham pe  
bhi."  
Sañhita 23:1 - Yuhanna 10:11 Hamahi achchha shepaḍ hei, jon aapan  
bhera ke waaste jaan bhi de sake hei.  
Sañhita 23:2 - Revelashan 7:17 Siñghaasan ke beech meñ jon Memna  
hei ulog ke charwaaha rahi. Ulog ke u laaif dewe waala paani bhara  
nadi meñ le jaai, aur Parmeshwar sab ke aañkhi se aañsu pochh  
dei."  
Sañhita 23:3,4 - Luuk 1:79 ki añdhiyaar aur maut ke saaya meñ beiṭhe  
waala log ke roshni de saki, aur hamaar gor̄ saanti ke rasta pe  
seedha chalaai."  
Sañhita 23:5,6 - 2 Kurinth 1:10 Parmeshwar ham log ke maut ke ðar se  
bachaais, aur ham janta hei ki u baar baar yahi kari.  
Filippi 4:7 Jab ke tum Yeeshu Maseeh ke hei, Parmeshwar tumme  
saanti ke u aasheesh dei jon koi nai puura samjhe saki. Aur wahi  
saanti tumhaar soch aur keise mahsuus karta hei uspe kaabu kari.  
Proverbs 3:24 & Sañhita 4:8 - Yuhanna 14:27 "Ham tumme saanti deta  
hei, aur i hamaar aapan saanti hei jon ham tumme deta hei. Ham u  
rakam ke saanti nai deta jon dunia tumme dei. Yahi kaaran  
ghabraao nai aur wari nai karo, aur ḍaro bhi nai.  
Sañhita 33:18 - 1 Peeṭa 3:12 Prabhu u sab ke uppar dekh bhaal kare  
hei jon uske baat maane hei, aur ulog ke preya ke bhi sune hei.  
Lekin ulog ke agaiñṣṭ jaay hei jon kharaab kaam kare hei."  
Raom 5:2 Yeeshu, biswaas ke kaaran hamme Parmeshwar ke mahima  
meñ laais hei, aur ab ham wahiñ rahta hei. Ab ham khusi se hei, aur  
Parmeshwar ke mahima uske sañghe baaṭega.  
Aayzaaya 55:12 - Luuk 19:40 Lekin Yeeshu bolis, "Agar ilog chup hoy  
jaai to patthar chillaaay lagi."  
Yuhanna 16:22 Yahi abhi tumhaar sañghe hoy hei, tum abhi udaas hei,  
lekin ham tumme fir dekhega, to tumhaar man khusi se bhar jaai,  
eisan khusi jiske tum se koi chheene nai saki."

Luuk 12:9 Lekin agar tum log manush ke saamne hamme nai  
apnaayga, tab tum log bhi Parmeshwar ke ainjal ke saamne nai  
apnaawa jaayga.

Methiu 10:30 Aur tumhaar muur ke ek ek baar bhi gina gais hei.

Aayzaaya 54:10 - Methiu 24:35 Asmaan aur dharti hardam ke waaste  
miṭ jaai, lekin hamaar vachan kabhi nai miṭi.

Methiu 11:28-30 Agar tum bojha ḥhote ḥhote thak gaya hei to hamaar  
lage aao, ham tumme araam dega. 29 Hamaar juaṭha (yoke)  
aapan uppar uṭhaao aur ham se seekho, kaahe ke ham naram dil  
ke aur deen hei, aur tumme araam mili. 30 I juaṭha ḥhoy meñ sahaj  
hei, aur bojha bhi halluk hei.

Soloman 2:10 & Hosea 2:14,19,20

2 Kurinth 11:2 Ham tumhaar waaste soch karta hei wahi rakam jeise  
Parmeshwar kare hei. Tum to ek kuaari dulhin ke rakam raha jon ke  
ham khali Krisṭ ke waaste chuna raha.

Exodus 3:14 - Heeburu 13:8 Yeeshu Maseeh kabhi nai badle hei! U kal,  
aaj, aur hardam ekke rakam rahi.

Hosea 13:4 - Prerito Ke Kaam 4:12 Aur koi dusra ke naam se bache  
nai sakta hei, khali Yeeshu ke paas bachaawe ke sakti hei. Dunia  
meñ wahi ek naam hei jisse log bache sake hei."

Yuhanna 15:14 Tum sab hamaar dost rahega, agar tum hamaar sab  
baat sunega aur uske maanega.

Yuhanna 14:6 Yeeshu tab bolis, "Rasta, jeewan aur sachchaai hamahi  
hei! Hamaar bina koi bhi Pita ke lage nai jaay sake.

Revelashan 3:20 Suno! Ham duaari pe khaṛa hei aur nok karta hei.  
Agar tum hamaar awaaj sune sakta hei to palla kholo, ham bhittar  
aayga aur ham log ek saṅghe khaana khaayga.

Pastor T. John Franklin  
Church of Salvation, Healing, and Deliverance  
COS-HAD.org